



Broj: 01/6-50-1-32-18/05

Sarajevo, 22.7.2005.

Z A P I S N I K

18. sjednice Komisije za saobraćaj i komunikacije, održane 22.7.2005. godine

Sjednici su prisustvovali članovi Komisije:

- | | |
|--|---------------------|
| 1. Ivo Lozančić, predsjedavajući sjednicom | 4. Nenad Mišić |
| 2. Selim Bešliagić | 5. Ruža Sopta |
| 3. Adem Huskić | 6. Milorad Živković |

Članovi Komisije: Miloš Jovanović, Muhamed Moranjkić i Izet Hadžić nisu prisustvovali.

U ime Vijeća ministara BiH sjednici su bili prisutni: Nikola Šego, Mirko Šekara i Vojo Koprivica.

U svojstvu predlagača amandmana sjednici je prisustvovao Filip Andrić.

Sjednicu je pratio: Edin Isanović – Istraživački centar Parlamentarne skupštine BiH.

Sjednici je prisustvovao privremeni sekretar Komisije Ahmed Jalovičić.

Predsjedavajući sjednicom Ivo Lozančić predložio je sljedeći

D N E V N I R E D

1. Razmatranje amandmana na Prijedlog zakona o osnovama sigurnosti saobraćaja na putevima u Bosni i Hercegovini, predlažać Vijeće ministara BiH

Dnevni red jednoglasno je prihvaćen.

Ad. 1.

Predsjedavajući sjednicom je konstatirao da su na predloženi zakon amandmane uložili poslanici: Sead Avdić, Adem Huskić i Dušanka Majkić, kao i Klub poslanika HDZ, te otvorio raspravu.

Selim Bešliagić rekao je kako smatra da je nepotrebno došlo do sazivanja sjednice i predložio da se svi uloženi amandmani iznesu na plenarnoj sjednici i da ih predlagači brane, kao i da na uložene amandmane daju mišljenje predstavnici Vijeća ministara BiH.

Milorad Živković istakao je da je nepotrebno došlo do produženja roka za podnošenje amandmana.

Nenad Mišić smatra da sve amandmane treba odbiti, pa da ih podnosioci brane na plenarnoj sjednici, te pozvao predstavnike Ministarstva saobraćaja i komunikacija BiH da iznesu svoje mišljenje o amandmanima.

Diskutirajući o uložnim amandmanima, Mirko Šekara naglasio je da je Amandman I. Seada Avdića već obuhvaćen u članu 51. stav (2) Zakona, te da je Amandman II. nepotreban.

U vezi s amandmanom Adema Huskića, Šekara je istakao da je jasno razdvojeno šta je nadležnost MUP-a, a šta drugih institucija, te da smatra da ovaj amandman treba odbiti.

Govoreći o amandmanu Dušanke Majkić, Mirko Šekara iznio je mišljenje da nije logičan Amandman I., a što se tiče Amandmana II., istakao je da Agencija za organiziranje i provođenje vozačkih ispita nije predviđena, pa se ne slaže s ovim amandmanom. Amandmane III. i IV. smatra nepotrebnim.

Na pitanje Adema Huskića da pojasni stanje u vezi s priznanjem vozačke dozvole, Šekara je odgovorio da priznanje vozačke dozvole zavisi od programa i da postojanje Agencije nije uslov za priznanje.

U diskusiji o amandmanima Kluba HDZ-Demokršćani, Filip Andrić naglasio je da se ovim zakonom ulazi u ingerencije entiteta, te da bi u tom slučaju kantoni ostali bez značajnih sredstava. Istakao je da dolazi do razvlaštenja kantona i entiteta, a Ustavom BiH definirano je da je saobraćaj u nadležnosti Federacije BiH, odnosno Republike Srpske.

Selim Bešlagić naglasio je da su MUP-ovi u nadležnosti entiteta i Distrikta i da se prihodi od kazni odnose na entitete prema mjesnoj nadležnosti napravljenog prekršaja.

Nikola Šego smatra da treba riješiti pitanje prihoda i da je prihvatljiv Amandman X. Kluba HDZ.

Filip Andrić naglasio je da se Amandmanom I. vraćaju nadležnosti u okviru Ustava, te da se članom 6. stav (3) Zakona suprotno Ustavu prenosi nadležnost s kantonalnog ministra i ministra unutrašnjih poslova Republika Srpske na ministra saobraćaja i komunikacija.

Ruža Sopta traži da se utvrdi koji poslovi su u nadležnosti policije kako ne bi dolazilo do tranzicije poslova, odnosno prihoda, kao i da se otklone dileme o postojanju kantonalnih MUP-ova. Također je naglasila da Ministarstvo saobraćaja mora biti sigurno kada daje informaciju šta jeste, a šta nije.

Nenad Mišić smatra da je problem prijenosa ovlaštenja, naglašavajući da Ministarstvo saobraćaja i komunikacija mora djelovati uz saglasnost kantona i entiteta, a ne uz saradnju.

Milorad Živković istakao je da bi se prihvatanjem amandmana Kluba HDZ promijenili principi Zakona, ustavnog osnova i pitanja nadležnosti, pa je zatražio jasan stav predstavnika Ministarstva da li je ustavni osnov upitan.

Vojo Koprivica iznio je mišljenje da prihvatanjem Amandmana I. propisi neće biti jednoobrazni na nivou BiH, odnosno da bi se postigla djelimična jednobraznost, ali bi se mnoge stvari razlikovale od entiteta do entiteta, od kantona do kantona.

Selim Bešlagić naglasio je da treba precizirati nadležnost finansijskih sredstava od kazni i podržao usvajanje Amandmana X. Kluba HDZ.

Kada je riječ o propisima u saobraćaju, Ruža Sopta smatra da oni treba da budu jedinstveni na nivou BiH, ali da je potrebno da se riješi pitanje prihoda, jer postoji mogućnost da kantoni ostanu bez značajnih sredstava.

Adem Huskić istakao je da je Ustavna komisija utvrdila da postoji ustavni osnov, te da je bespredmetna priča o ustavnom osnovu.

Vojo Koprivica naglasio je da su ustavne komisije oba doma utvrdile ustavni osnov za donošenje podzakonskih akta i da ih donose nadležni organi na nivou BiH, što je upravo propisano članovima koji se spominju u Amandmanu I. Kluba HDZ.

Milorad Živković smatra da Komisija ne može razmatrati amandmane Kluba HDZ, s obzirom da je Parlament prihvatio principe i ustavni osnov, pa predlaže da se glasa za zaključak Selima Bešliagića - da se odbiju svi amandmani i da Komisija sugerira svim predlagачima da ih ponovo ulože na Predstavničkom domu, koji jedini može oboriti Zakon ili ga prihvatiti, pa predlaže da se zaključak stavi na glasanje.

Nenad Mišić naglasio je da ni predstavnici Ministarstva ne mogu dati tačan odgovor kome idu prihodi, te smatra da treba odbiti sve amandmane i glasati o zaključku.

Predsjedavajući sjednicom zaključio je raspravu i stavio sljedeće zaključke na glasanje:

- 1.Odbijaju se amandmani Seada Avdića, Dušanke Majkić, Kluba poslanika HDZ-Demokršćani i Adema Huskića.
- 2.Svi amandmani razmatrani na 18. sjednici Komisije upućuju se na plenarnu raspravu.

Komisija je jednoglasno prihvatila zaključke.

Sjednica je završena u 16,05 sati.

PRIVREMENI SEKRETAR KOMISIJE
Ahmed Jalovičić

DRUGI ZAMJENIK
PREDSJEDAVAJUĆEG KOMISIJE
Ivo Lozančić